

<p>HELAIAN PENDEDAHAN PRODUK</p> <p>(Sila baca Helaian Pendedahan Produk ini sebelum anda bercadang untuk memohon Penerimaan Jurubank. Pastikan anda juga membaca terma dalam Surat Tawaran. Dapatkan penjelasan daripada institusi anda jika anda tidak memahami mana-mana bahagian dalam dokumen ini atau terma am.)</p>	<p>PENERIMAAN JURUBANK</p> <p>Tarikh:</p>
<p>1. Apakah produk ini?</p>	
<p>Penerimaan Jurubank (Bankers Acceptance atau BA) ialah kemudahan modal kerja jangka pendek yang diberikan oleh Bank kepada Pelanggan (Pembeli atau Penjual) bagi memudahkan pembiayaan pembelian/import atau penjualan/eksport barangan. BA ialah Pertukaran Bil Usans (Draf BA) yang dikeluarkan oleh Pelanggan dan diterima oleh Bank untuk membiayai pembelian mereka daripada pemastautin, jualan kepada pemastautin, import daripada bukan pemastautin atau eksport kepada bukan pemastautin, yang disokong oleh dokumen yang membuktikan pergerakan barangan antara kedua-dua pihak.</p>	
<p>2. Apakah ciri-ciri utama produk ini?</p>	
<ul style="list-style-type: none"> • Operasi BA adalah tertakluk kepada Garis Panduan Penerimaan Jurubank (2004), yang diwujudkan oleh Bank Negara Malaysia. • Pembiayaan adalah dalam Ringgit Malaysia (RM), dalam gandaan RM1,000.00, dengan pengeluaran minimum sebanyak RM50,000.00 • Bank akan mendiskaun Bil Pertukaran yang diterima pada Kadar Diskaun BA yang lazim dan melupuskan hasil kepada Pembekal (berkenaan pembelian/import) atau kepada Pelanggan (bagi penjualan/eksport). • Pembiayaan adalah terhad kepada perdagangan yang melibatkan barangan sahaja. Urusan lain seperti perkhidmatan, input atau barangan tidak ketara tidak dibenarkan. • Tempoh pembiayaan minimum ialah 21 hari dan tempoh maksimum dihadkan kepada 365 hari atau seperti yang diluluskan sebaliknya oleh Bank. • Pembiayaan disediakan berkenaan dengan dokumen yang dikeluarkan di bawah Surat Kredit, Kutipan atau perdagangan Akaun Terbuka. • Pengumpulan invoice dibenarkan dengan syarat setiap invoice berjumlah sekurang-kurangnya RM1,000.00 dan adalah dalam kelas yang sama. • Pembayaran balik awal dibenarkan dengan syarat Bank belum lagi menjual BA di pasaran sekunder. 	
<p>3. Bagaimanakah hasil yang didiskaunkan diperolehi?</p>	
<p>Hasil daripada pendiskaunan BA ditentukan seperti berikut:</p> <p>Hasil yang Didiskaunkan = Jumlah Prinsipal BA x [1 - (Kadar Diskaun BA x Tempoh / 36500)]</p>	
<p>4. Bagaimanakah cara untuk saya memohon produk ini?</p>	
<ul style="list-style-type: none"> • Anda perlu mempunyai Kemudahan BA yang diluluskan oleh Bank dan permohonan mesti dilakukan dalam Borang Permohonan standard Bank, bersama Bil Pertukaran (Draf BA), yang dilengkapi dan ditandatangani sewajarnya oleh penandatanganan yang dibenarkan anda. • Setiap permohonan mesti disertakan dengan dokumen sokongan, contohnya, Invoice dan dokumen pengangkutan yang membuktikan transaksi perdagangan tersebut. 	
<p>5. Apakah tanggungjawab saya?</p>	
<p>Melakukan pembayaran balik sepenuhnya pada tarikh matang BA.</p>	
<p>6. Bagaimanakah jika saya gagal menunaikan tanggungjawab saya?</p>	
<ul style="list-style-type: none"> • BA akan diklasifikasikan sebagai tertunggak jika tidak dibayar sepenuhnya pada tarikh matang. • Faedah ingkar 3.5% setahun atas Kadar Pinjaman Asas lazim Bank akan dikenakan ke atas jumlah prinsipal BA. • Sebarang BA yang tertunggak akan menjejaskan pengeluaran selanjutnya bagi Kemudahan BA dan apa-apa kemudahan lain dengan Bank. 	

- Jika BA yang tertunggak masih belum dibayar selepas 3 bulan, kemudahan anda dengan Bank akan diklasifikasikan sebagai tidak berbayar.
- Bank berhak untuk menolak selesai apa-apa baki kredit dalam akaun anda terhadap sebarang BA yang tertunggak berikutan pemberian notis 7 hari terlebih dahulu kepada anda.
- Bank boleh menguatkuasakan haknya dan memulakan proses pemulihan/tindakan undang-undang.
- Kemudahan BA anda serta apa-apa kemudahan lain dengan Bank boleh ditarik balik.

7. Apakah risiko-risiko utama?

Anda mungkin terdedah kepada risiko turun naik pertukaran asing jika jumlah belum terima anda adalah dalam mata wang asing, memandangkan bahawa pembiayaan BA adalah dalam RM.

8. Apakah fi dan caj yang perlu saya bayar?

	Pembelian / Import	Jualan / Eksport
Faedah	Seperti yang dinyatakan di atas	
Fi Penerimaan	Dikira pada peratusan setahun yang dipersetujui ke atas Tempoh dan jumlah prinsipal BA, yang ditentukan pada peringkat penstrukturan kemudahan	Dikira pada peratusan setahun yang dipersetujui ke atas Tempoh dan jumlah prinsipal BA, yang ditentukan pada peringkat penstrukturan kemudahan
Caj Pembayaran Balik Langsung, di mana penyelesaian untuk Invois telah dilakukan terlebih dahulu	RM100.00	RM100.00
Caj Lain	Sila rujuk kepada Surat Tawaran kami dan laman web Korporat Bank di www1.uob.com.my untuk butiran lanjut	

Nota: Bank boleh menyemak semula komisen, kadar faedah, fi dan caj dari semasa ke semasa pada budi bicara mutlaknya, tertakluk kepada Bank memberikan anda notis 21 hari terlebih dahulu.

9. Apakah yang perlu saya lakukan jika terdapat perubahan dalam maklumat hubungan saya?

Adalah penting untuk anda memaklumkan kami mengenai sebarang perubahan dalam maklumat hubungan anda bagi memastikan bahawa semua surat-menyurat sampai kepada anda tepat pada masanya. Jika terdapat sebarang perubahan dalam maklumat hubungan anda, sila maklumkan cawangan UOBM yang terdekat atau Pusat Perkhidmatan Perbankan Perniagaan atau hubungi Pengurus Perhubungan UOBM anda.

10. Di manakah boleh saya dapatkan bantuan dan pembelaan?

- Jika anda mempunyai masalah untuk melakukan pembayaran balik, sila hubungi Bank dengan secepat mungkin untuk membincangkan pilihan pembayaran balik yang lain. Anda boleh menghubungi Pengurus Perhubungan Akaun UOBM anda atau menghantar E-mel kepada kami di uobcustomerservice@uob.com.my atau hubungi kami di No. Tel Kuala Lumpur 603 - 2612 8121; Pulau Pinang 604 - 2401 121; Johor Bahru 607 - 2881 121; Kuching 082 - 287 121 atau Kota Kinabalu 088 - 477 121
- Selain itu, anda boleh mendapatkan perkhidmatan Agensi Kaunseling dan Pengurusan Kredit (AKPK), sebuah agensi yang ditubuhkan oleh Bank Negara Malaysia untuk menyediakan perkhidmatan percuma mengenai pengurusan wang, kaunseling kredit dan penstrukturan semula hutang untuk individu. Anda boleh menghubungi AKPK di Maju Junction Mall, Tingkat 8, 1001 Jalan Sultan Ismail, 50250 Kuala Lumpur (Tel: 03-26167766 atau E-mel ke enquiry@akpk.org.my).
- Jika anda ingin membuat aduan mengenai produk atau perkhidmatan yang disediakan oleh Bank, anda boleh menghantar E-mel kepada kami di uobcustomerservice@uob.com.my atau hubungi kami di No. Tel Kuala Lumpur 603 - 2612 8121; Pulau Pinang 604 - 2401 121; Johor Bahru 607 - 2881 121; Kuching 082 - 287 121 atau Kota Kinabalu 088 - 477 121.
- Jika pertanyaan atau aduan anda tidak diselesaikan dengan memuaskan oleh kami, anda boleh menghubungi Bank Negara Malaysia LINK atau TELELINK di Block D, Bank Negara Malaysia, Jalan Dato' Onn, 50480 Kuala Lumpur (Tel: 1-300-88-5465; Faks: 603 - 2174 1515; E-mel ke bnmtelelink@bnm.gov.my).

11. Di manakah saya boleh dapatkan maklumat lanjut mengenai produk ini?

- Sekiranya anda memerlukan maklumat tambahan mengenai produk kami, sila kunjungi cawangan UOBM yang terdekat atau hantar E-mel ke businessbanking.servicecentre@uob.com.my atau log masuk ke www1.uob.com.my untuk maklumat lanjut.
- Jika anda mempunyai sebarang pertanyaan, sila hubungi Pusat Perkhidmatan Perbankan Perniagaan UOBM kami di Kuala Lumpur 603 - 2616 6800; Pulau Pinang 604 - 2626 800; Johor Bahru 607 - 2236 800; Kuching 082 - 236 820; Kota Kinabalu 088 - 246 820



Maklumat yang disediakan dalam helaian pendedahan ini adalah sah pada September 2018 dan tertakluk kepada perubahan pada budi bicara Bank dari semasa ke semasa.

Kepada: UNITED OVERSEAS BANK (MALAYSIA) BHD (271809K)

Saya/Kami dengan ini mengakui penerimaan Helaian Pendedahan Produk di atas.

Penandatanganan yang Dibenarkan & Cop Syarikat
Tarikh: